

Şitlên kulîlkan

Şitlên kulîlkan ew cûrê giya ne ku bi kulîlk in. Kulîlkên hin şitlan mezin in û kulîlkên hinên din biçûk in.

Kulîlkên mezin û biçûk

Gul yan kulîlka herî mezin di cihanê de navê wê *Rafflesia almodii* ye. Mezinahiya diyamêtra wê heye bighije mitrekê. Ew li Indonîsyayê şîn tê. Kulîlkên herî biçûk diyamêtra wan tenê çend millîmitr e.

Gelo te kulîlkeke pir biçûk qet dîtîye? Navê wê bi norwêcî çîye û bi zimanê te çîye?



Rafflesia arnoldii, Foto; Antoine Hubert, Flickr

Giyayên yeksalî, dusalî û pirsalî

Şitlên kulîlkan ên cuda heye salekê, du salan yan jî pir salan bijîn.

Giyayên yeksalî

Giyayê bazêlyayê tenê salekê dijî. Tovê vî giyayî di biharî de vedibe û dibe şitl. Ew di havînê de dipîşkive û tov (bizr) çêdike. Dem tov di payizê de dighe, şitl dimre.

Di bihara pişt re libên tov dibin vedibin û dibin şitl û ew şitlên nû çêdikin. Em ji giyayê bazêlyayê re dibêjin giyayê yeksalî.



Bazêlyayê şekirîn



Ev nêzîkî 8000 salan e ku mirov bazêlyayê diçînin. Bazêlyayê şekirîn ji rojavayê Asyayê hatiye û li dunyayê belav bûye.

Giyayên dusalî

Giyayê gêzerê du salan dijî û ji bêr vê ew giyayekî dusalî ye. Sala ewil libên tov (bizir) vedibin, dibin şitl û pelên kesk ji wan didine der. Ew pelên kesk xwirakê didin rayê şitla gêzerê. Ra jî heta havîna pey re di zikê erdê de dijîn.

Di havînê de ew di pişkive, û kulîlk jî tov çêdikin. Dema ku libên tov dighin, giya hişk dibe û dimre.

Dema careke din dibe bihar, libên tov vedibin û ew şitlên gezerê ên nû çêdikin. Gêzer ji Rojhilata Navîn hatiye. Berî qedera 1000 salan ereban ew bi xwe re anî Ewropayê.



Gulrotblomst Foto: Pxfuel.com



Gulrøtter Foto: Pxhere.com

Giyayên pirsalî

Te'lîşk giyayekî pirsalî ye. Beşên şîn (kesk) yê wî giyayî di payizê de pûç dibin û dimrin, lê rayên wî giyayî di zikê erdê de her dijîn. Di bihara pey re ew pelên nû û kulîlkên nû tînin der.



Løvetann Foto: Maxpixel.net


Te'lîşk ji Ewropayê û Rojavayê Asyayê hatiye. Lê belê ew li gelek welatan li seranserê cihanê belav bûye.

Gelek giyayên din ên pirsalî hene. Giyayên pirsalî hîle û fêlbaziyên wan ên cuda hene da ku ew demsala zivistanê bi saxî derbas bikin.



Tulipaner Foto: Pixabay

Helale (tûlîpan) xwirakê di pîvazokekê de dicivîne. Dema bihar tê û pelan û kulîlkan çêdike. Em texmîn dikin ku navê tûlîpan ji gotina farisî «turban» hatiye.



Björkeblomst Foto: pxhere.com



Høstløv fra bjørk Foto: Pixabay.com



Björk om vinteren Foto: Pixabay.com

Darên pelmezin pelên xwe di payizê de diweşînin. Ew vê dikin ji ber ku mehtêciya pelan bi avê heye, û di zivistanê de pirê caran ava zikê erdê dibe qeşa. Dem ku dar tazî û bêpel dimînin, mehtêciya wan hewqasî bi avê namîne. Bi vî rengî ew heta heliyana qeşayê sax dimînin. Hingî ew pel, kulîlk û libên tov ên nû çêdikin.

Gulên çolê

Gulên çolê ên ku li siruştê şîn dibin, em ji wan re dibêjin gulên çolê (markblomster). Gulên çolê di destpêka biharê de hêdî hêdî têne dîtin. Û di payizê de jî kitekite gulên çolê têne dîtin. Gelek cûreyên gulên çolê hene. Gelek ji van cûreyan li qiraxên rêyan derdikevin. Tê li jêr hin texlîtên gulên çolê ku li Norwêc şîndibin bibînê.



Tistel Pixabay




Rødknapp Pixabay



Hestehov Pixabay



Løvetann Pixabay



Blåknapp Pixabay



Blåveis Pixabay




Blåklokke Pixabay



Rødkløver Pixabay



Tiriltunge Pixabay



Prestekrage Pixabay



Ryllik Pixabay



Hvitveis Pixabay